

Nyob Zoo Txog Sac City Unified Lub Zej Zog,

## **Npaj Kom Txhij rau Kev Kawm Ntawv nyob Sib Nrug Deb**

Nyob Zoo Txog Sac City Unified Lub Zej Zog,

Raws li peb pib mus ze zuj zus rau ntawm peb txoj kev npaj rau cov tub/ntxhais kawm ntawv txoj kev kawm ntawv nyob sib nrug deb rau hnuv Monday, peb to taub tias cov no yog ib yam uas tsis tau siv dua los li thiab nws tseem muaj lus nug ntau heev about qhov kev npaj no; ho yuav siv mus licas thiab peb cov tub/ntxhais kawm ntawv yuav ua dabtsi rau ntawm thawj lub asthiv uas kawm.

Lub asthiv no cov xibfwb yuav rov tsim kev sib txuas lus nrog lawv cov tub/ntxhais kawm ntawv. Nyob rau ntawm thawj lub asthiv:

- Cov xibfwb yuav soj ntsuam kev tu ncuu ntawm lawv cov tub/ntxhais kawm ntawv, cov kev pabcuam thiab kev noj qab nyob zoo kom peb thiaj paub npaj kom zoo tshaj rau kev kawm txuas ntxiv mus kom tag rau lub xyoo kawm ntawv no.
- Qhov no yuav tshwm sim los ntawm kev xa email, hu xovtooj, Google Classroom, lossis xa ntawv, yog tias ua tau.
- Rov tsim kev sib txuas lus yog ib feem uas tseem ceeb heev rau ntawm kev kawm ntawv nyob sib nrug deb – thiab kom paub meej tias cov tsev neeg tau txais cov ntaub ntawv uas kom pab tau lawv kawm tau ntawv zoo.

Cov thaj khu yuav ua haujlwm nrog rau cov xibfwb thiab soj qab nrog cov tsev neeg. Peb txhua tus yuav tau ua kom zoo rau lub asthiv ntawm qhov kev kawm thiab yoog rau qhov kev kawm tshiab no.

Rau cov tsev neeg uas twb yeej muaj internet thiab computer siv tam sis no lawm: peb xav kom lawv mus saib rau page kev kawm ntawv nyob sib nrug deb txhawm rau muaj tej yam tshiab thiab tej ntaub ntawv. Peb yuav ntxiv cov tshiab ua ntu zus rau ntawm <https://www.scusd.edu/covid-19-distance-learning>

Nyob rau ntawd koj yuav pom:

- [Cov Lus Nug uas Nug Heev Tshaj rau Kev Kawm Ntawv nyob Sib Nrug Deb \(Distance Learning\), Computers, thiab Kev Kawm Ntawv Tshwj Xeeb](#)
- [Cov Kev Pabcuam rau Cov uas Kawm Tiav rau Xyoo 2020](#)
- [Tej ntaub ntawv tam sim no uas txog cov computers](#)
- [Cov ntaub ntawv txog Wi-Fi thiab Internet Access](#)
- [Ntaub ntawv txog kev pab rau tej cuab yeej Technical](#)
- [Cov Qauv Tseem Ceeb thiab Tej Ntaub Tej Ntawv Siv los Qhia Ntawv \(Essential Standards and Curriculum Materials\)](#)
- [Qhia txog Kev Kawm Ntawv nyob Sib Nrug Deb](#)
- [Cov Kev Kawm Zoo Tshaj Plaws rau Kev Kawm Ntawv nyob Sib Nrug Deb](#)
- [Tub/Ntxhais Kawm ntawv Cov Schedule uas Piv Txwv](#)
- [Yuav Siv Google Classroom Licas](#)
- [Lwm Yam Kev Xaiv Kawm rau Google Classroom](#)
- [Tub/Ntxhais Kawm Ntawv Cov Account thiab Password](#)
- [Cov kev pab qhia siv Chromebook thiab Accessibility](#)
- [Google Extension](#)
- [Cov cuab yeej koom uake siv rau Kev Kawm hauv Online Learning](#)

Peb yeej mloog thiab ua li peb lub peev xwm uas zoo tshaj los teb koj cov lus nug los pab rau qhov kev hloov no thiab los pab rau thawj lub asthiv ntawm kev kawm ntawv nyob sib nruv deb kom mus tau zoo. Peb kuj lees tias qee zaus peb cov lus teb kuj teb tsis tau sai heev, thiab peb xav kom koj ho ua siab ntev thiab zam lub txheej pub rau lub sijhawm uas sai sai li no. Peb tab tom tes dejnum kom paub meej tias cov kev teb koj cov lus nug yeej muaj tseeb, thiab yog ho tsis yog, los kom koj tau txais qhov uas muab kho tshiab kom yog.

Peb los hais ib yam li rau koj, kev kawm ntawv nyob sib nruv deb yog ib qho tshiab rau peb. Tab txawm hais tias tsis muaj cov teebmeem no, kev muab qhov kev kawm ntawv nyob sib nruv deb los siv thoob plaws hauv koog tsev kawm ntawv yuav yog ib qho uas tsis yooj yim kiag. Kev sim los mus tsim thiab muab txoj kev npaj los rau lub sijhawm muaj teebmeem loj thoob ntej teb li no? Qhov ntawd tsim tau lwm yam kev nyuab tshaj plaws!

Txawm yuav ua haujlwm sib nruv deb heev lossis ua tsheej pawg uake, kev npaj tsim txoj kev kawm ntawv nyob sib nruv deb, lossis muab kam noj kev haus thiab lwm yam kev pabcuam uas tseem ceeb, peb qhia tias yeej muaj kev nyuab siab tshaj thiab kev hloov ntau tshaj rau lub sijhawm no tiag. Peb ua li no kom tiv thaiv tau kev noj qab haus huv ntawm peb lub zej zog thiab cov neeg ua dejnum, ua ntej thiab ua ntej tshaj plaws. Tib yam li koj, peb rau raws li cov cai qhia uas tau hloov thiab kev pom zoo raws li uas lawv muab tuaj – thiab hloov peb cov kev npaj yoog mus raws li cov ntaub ntawv tshiab.

Tsis tas li, peb kuj paub txog tej kev maj rawm ntawm peb cov tsev neeg tias lawv xav licas, tshwj xeeb tshaj vim peb twb los so ze tau ib lub hlis txij hnuv peb kawm cov tsev kawm ntawv tseg rau thaum lub 3 hlis tim 13. Vim li no peb thiaj li zoo siab los pib qhov kev kawm ntawv nyob sib nruv deb uake rau lthaum lub 4 hlis tim 13.